


Un storia di amor hoben den temponan di guerra na Europa

Manchi Hennep cu buki "Ursula" na Minister di Husticia y Enseñanza

ORANJESTAD (AAN): Diamars mainta sr. Herman "Manchi" Hennep a presenta un copia di su buki titula "Ursula" na Minister di Husticia y Enseñansa, mr. drs. Arthur Dowers.

Sr. Hennep ta un meneer di school y musico cu a dicidi di tuma consecuencia di malesa cu a resulta den paralysis y comberti esaki den un oportunidad pa desaroya su pasion y talento pa skirbi den varios publicacion. Despues di dos operacion na 1983, sr. Hennep a perde e habilidad pa cana y no por a traha como maestro di school mas. el a dedica su mes na skirbi cantica, poesia y storia cortico, varios columna pa Diario y tres buki. Ursula ta su publicacion mas recien.

E storia di Ursula ta un historia di amor hoben cu ta tuma lugar durante y despues di Guera Mundial II, cual a cambia bida y futuro di hendenan den hopi pais. Ursula, cu ta Aleman ta casa cu Joop, un Hulandes despues di guerra y ta spera di haya un bida nobo na Hulanda y lubi-



da tur loke el a pasa durante guerra na Alemania. Minister Dowers a gradici e escritor Arubiano, cu ta dedi-

ca su bukinan na hubentud di Aruba, Boneiro y Curaçao, masha pa e honor di ricibi un copia di su buki.